



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Broj: 01-GV-02-597/22
Sarajevo, 04.04.2022. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na 14. sjednici održanoj dana 04.04.2022. godine, primilo je k znanju

Informaciju o implementaciji Plana djelovanja za mlade.

PREDSJEDAVAJUĆI GRADSKOG VIJEĆA

Jasmin Ademović, s.r.





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

INFORMACIJA
O IMPLEMENTACIJI PLANA DJELOVANJA ZA MLADE

Sarajevo, april 2022. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



UVOD

Programom rada Gradskog vijeća Grada Sarajeva za 2022. godinu planirana je realizacija teme Informacija o implementaciji Plana djelovanja za mlade kvartalno, odnosno u mjesecima martu, junu, septembru te decembru. U skladu sa navedenim Programom, pripremljena je Informacija o implementaciji Plana djelovanja za mlade za prvi kvartal 2022. godine, a koja predstavlja aktivnosti poduzete u protekla tri mjeseca u skladu sa Planom djelovanja za mlade Grada Sarajeva.

Zakon o mladima Federacije Bosne i Hercegovine pod pojmom mladi podrazumijeva osobe u životnoj dobi od navršenih 15 do navršenih 30 godina starosti. Važno je istaći da su mladi, iako zasebna društvena kategorija koja ima svoje potrebe i probleme, integralni dio društva i jako važna podrška razvoju svih zajednica, pa tako i grada Sarajeva.

Član 8. Zakona o mladima Federacije Bosne i Hercegovine navodi se da odgovorni organi vlasti trebaju mladim osobama putem utvrđenih mjera dati na raspolaganje različite mogućnosti u cilju unaprjeđivanja njihovog razvoja. Pod odgovornim organima vlasti Zakon podrazumijeva općinski, gradski i kantonalni nivo vlasti u Federaciji Bosne i Hercegovine.

Navedeni zakon obavezuje ove nivoe vlasti da odgovorno poduzimaju utvrđene mjere kako bi unaprijedili razvoj mladih ljudi. Pod utvrđenim mjerama podrazumijevaju se mjere predviđene usvojenim dokumentima, kao što su strategija prema mladima i program djelovanja za mlade koji je donijela svaka institucija zasebno na temelju strategije prema mladima.

U skladu sa članom 14. Zakona o mladima Federacije Bosne i Hercegovine, općinski, gradski i kantonalni organi vlasti dužni su samostalno osigurati minimum mjera na planu rada s mladima i omladinskih aktivnosti, kao i mehanizme i kapacitete koji, između ostalog, uključuju uspostavljanje stručnog radnog tijela za izradu, ažuriranje i praćenje provedbe lokalnih i kantonalnih strategija prema mladima, a u čijem će radu učestvovati predstavnici vijeća mladih ili omladinskih udruženja.

Općinske, gradske i kantonalne vlasti zakonski su obavezne koordinisati aktivnosti u vezi sa radom s mladima i omladinskim aktivnostima. Pod tom koordinacijom podrazumijeva se koordinisanje aktivnosti iz federalne, kantonalne, općinske ili gradske strategije prema mladima, odnosno programa djelovanja za mlade te povezivanje sličnih projekata i aktivnosti, praćenje uspješnosti u provođenju i postizanju rezultata, vođenje evidencije omladinskih aktivnosti i dr.

Član 8. Zakona o mladima Federacije Bosne i Hercegovine navodi da rad s mladima nude omladinska udruženja, ostala udruženja, neformalne grupe i drugi nosioci rada s mladima iz nevladinog sektora, kao i nosioci rada s mladima iz vladinog sektora. Iz toga zaključujemo da odgovornost za rad s mladima snosi i vladin i nevladin sektor.

Kada je u pitanju nevladin sektor, pod istim podrazumijevamo omladinska i druga udruženja, neformalne grupe i druge nosioce rada s mladima, poput domaćih i stranih fizičkih i pravnih lica koja se bave pitanjima mladih ili su subjekti od značaja za promociju i zaštitu uloge i pozicije mladih, a imaju prava i obaveze u skladu s ovim zakonom.

Uzimajući u obzir gore navedeno, a u skladu sa Zakonom o mladima FBiH, Gradska služba za obrazovanje inicirala je izradu Plana djelovanja za mlade Grada Sarajeva.

Plan djelovanja za mlade Grada Sarajeva je prvi strateški dokument koji objedinjuje i razrađuje ciljeve i mjere kojima Grad Sarajevo želi odgovoriti na razne potrebe i probleme mladih i općenito poboljšati kvalitetu života mladih te strateški podržati Gradsku upravu u radu sa mladima.

Proces izrade dokumenta koordinisala je Gradska služba za obrazovanje, sport, kulturu i mlade uz tehničku i stručnu pomoć Instituta za razvoj mladih Kult, s kojim je navedena služba saradivala i na prvom istraživanju i analizi o problemima i potrebama mladih grada Sarajeva.

Plan djelovanja za mlade Grada Sarajeva 2020.-2024. usvojen je od strane Gradskog vijeća Grada Sarajeva na sjednici održanoj dana 04.10.2019. godine te isti obuhvata sedam oblasti od posebnog značaja za mlade, a to su:

- obrazovanje i nauka mladih;
- rad, zapošljavanje i preduzetništvo mladih;
- socijalna briga mladih;
- zdravstvena zaštita mladih;
- kultura i sport;
- aktivizam (učesće, volontiranje i mobilnost) mladih i
- sigurnost mladih.

IMPLEMENTACIJA PLANA DJELOVANJA ZA MLADE GRADA SARAJEVA

Kada je riječ o aktivnostima koje su u proteklom periodu provedene implementirajući Plan djelovanja za mlade, Grad Sarajevo je posredstvom Gradske službe za obrazovanje, sport, kulturu i mlade, a u skladu sa mogućnostima, podržao nekolicinu projekata gdje su mladi činili ciljnu skupinu te je pružio podršku ovoj populaciji u različitim oblastima.

OBLAST OBRAZOVANJA

Cilj: Mladi Grada Sarajeva imaju osigurane preduslove za nastavak kvalitetnog školovanja i potaknuti su ostati u formalnom obrazovanju
Mjera: Doprimos Grada Sarajeva studentskom standardu
Cilj: Mladi Grada Sarajeva aktivno učestvuju u neformalnom obrazovanju koje im omogućava povoljniji položaj na tržištu.
Mjere:
- Unaprjeđivanje saradnje s organizacijama civilnog društva koje se bave neformalnim obrazovanjem mladih na području grada Sarajeva.
- Uspostavljanje promocije programa Grada Sarajeva i njegovih partnera u području obrazovanja na mladima pristupačiji način.

Grad Sarajevo je raspisao **Konkurs za stipendiranje učenika srednjih škola iz Budžeta Grada Sarajeva za 2022. godinu**. Stipendije se dodjeljuju za školsku 2021./2022. godinu, a sredstva za realizaciju obezbijedena su u Budžetu Grada Sarajeva za 2022. godinu. U narednom periodu očekuje se pristizanje brojnih prijava na navedeni konkurs te naknadno upućivanje istih sa kompletnom dokumentacijom na sjednicu zajedničke Komisije za razmatranje, obradu i analizu pristiglih prijava na Konkurs za stipendiranje učenika srednjih škola iz Budžeta Grada Sarajeva.

Komisija će prijave pristigle na Konkurs obraditi i analizirati u skladu sa kriterijima utvrđenim Odlukom o stipendiranju učenika srednjih škola iz Budžeta Grada Sarajeva, odnosno uslovima

navedenim u Konkursu. Nakon obrade i analize svih pristiglih prijava, Komisija će sačiniti preliminarnu listu stipendista te istu dostaviti gradonačelnici Grada Sarajeva na saglasnost.

Iz oblasti obrazovanja podržan je i projekat Homework d.o.o., a koji se odnosi na obezbjeđivanje 25 mjesečnih članarina za studente u Homework Hub-u za period od šest mjeseci. Studenti će u ovom periodu imati priliku koristiti prostorije Hub-a za učenje, vannastavne aktivnosti, kao i korištenje svih pogodnosti članova. Kroz veliki broj sklopljenih sporazuma o saradnji, Hub će im omogućiti obavljanje prakse ukoliko iskažu zainteresiranost za istu. Imat će priliku da dva puta mjesečno učestvuju na Hub predavanjima tokom kojih će naučiti nešto novo o temama koje se nisu u direktnoj korelaciji sa oblastima u kojima studiraju te će imati mogućnost nadograditi i već usvojeno znanje sa fakulteta. Homework Hub će obilježiti i neke od značajnih datume, poput Svjetskog dana meteorologije, Svjetskog dana zdravlja, te Dan grada Sarajeva – 6. april uz prigodan program i predavanja.

OBLAST RADA, ZAPOSŁJAVANJA I PODUZETNIŠTVA MLADIH

Cilj: Mladi grada Sarajeva su potaknuti koristiti programe samozapošljavanja i preduzetništva
Mjere:
- Promocija postojećih programa za samozapošljavanje i preduzetništvo mladih
- Podrška i olakšavanje pokretanja poslova mladih
- Promocija uspješnih mladih preduzetnika, preduzeća koja zapošljavaju mlade, programa zapošljavanja, samozapošljavanja i startup programa za mlade

Aktivnosti Grada Sarajeva u oblasti rada, zapošljavanja i preduzetništva mladih u proteklom periodu ogleдалe su se u saradnji sa Investicijskom fondacijom IMPAKT te su kao rezultat imale odabir pet najboljih biznis ideja u januaru, a nakon jednomjesečne edukacije u okviru inkubatora poslovnih ideja koji se realizovao na području grada Sarajeva.

Tokom obuke poduzetnici su stekli znanja i vještine iz oblasti poduzetništva, uz podršku trenera izradili poslovni plan, poslovni model i finansijske projekcije te se upoznali sa proizvodno-tehnološkim aspektima poslovanja, tržištem, marketingom i prodajom, organizacijom poslovne aktivnosti i ključnim resursima. **Prvorangirana je bila Lana Pencl koja je predstavila Look2All. Zatim su slijedili: Alma Subašić Omerović- Šapa Lab, Faris Kapo- Neonada, Edin Grabovica- DA Pet Care i Mirela Halvadžija- Healthven. Ovi mladi poduzetnici su, pored bespovratne finansijske podrške, dobili i besplatno izrađene web stranice kako bi unaprijedili svoje buduće poslovanje.**

OBLAST KULTURE I SPORTA MLADIH

Cilj: Mladi na području grada Sarajeva aktivno koriste kulturne sadržaje i učestvuju u njihovom kreiranju
Mjere:
- Promocija učešća mladih na kulturnim manifestacijama na području Grada Sarajeva
- Poticanje obrazovanja publike, razvoja kreativnosti i kulturnog stvaralaštva mladih kroz saradnju aktera u društvu

Projekat „Kongres Artivista” u organizaciji Udruženja dramskih umjetnika Altteatar jedan je od projekata iz oblasti kulture koji je podržan obzirom na sadržaj kojeg upućuje svojoj ciljnoj skupini – mladima. Udruženje je navedenim projektom imalo za cilj istražiti i ojačati vezu između teatra i omladinskog aktivizma, te osnažiti mlade ljude da koriste teatar kao nekonvencionalan alat za aktivizam i građansku participaciju mladih. Okupio je mlade aktiviste i umjetnike iz deset lokalnih zajednica u BiH, uključujući mlade ljude iz Sarajeva.

Radilo se o edukativnom omladinskom događaju koji je osmišljen kao platforma za povezivanje i osnaživanje mladih ljudi, te promicanje umjetnosti i omladinskog angažmana. Tokom Kongresa učesnici su učili kroz kolektivno umjetničko stvaralaštvo o društvenom angažmanu u zajednicama, koristili dramske tehnike za istraživanje društvenih tema i pojava te usvajali vještine i znanja potrebna za aktivno učestvovanje u službi pozitivnih promjena u vlastitim zajednicama.

Opći cilj projekta bio je doprinijeti osnaživanju mladih ljudi u Bosni i Hercegovini da djeluju kao nosioci pozitivnih promjena u svojim lokalnim zajednicama. Specifični ciljevi bili su povećati vještine i znanje mladih ljudi na teme omladinskog angažmana te predstaviti ideje i razmišljanja mladih o društvenim temama i pojavama kroz društveno-angažirani performans.

Cilj: Mladi na području grada Sarajeva aktivno se bave sportom i imaju zdrave životne navike

Grad Sarajevo nastoji pružiti značajniju podršku mladim sportistima, a koji pored promocije našeg grada i države rade i na aktivnoj promociji bavljenja sportom, kao i zdravih životnih navika svojim vršnjacima, te ostvaruju zapažene rezultate.

Bh. teniserka Dea Hardželaš dobila je podršku Grada Sarajeva u vidu sufinansiranja odlaska i učešća na teniskom Grand Slam turniru „Australian Open”. Naime, ona je po prvi put obezbijedila nastup na ovom turniru gdje je sa ponosom predstavljala Bosnu i Hercegovinu i Sarajevo. Karijeru profesionalne teniserke gradi već sedam godina.

Hokejaškom savezu Bosne i Hercegovine pružena je podrška pri realizaciji priprema i učešća Hokejaške reprezentacije Bosne i Hercegovine U20 na 2022 EuroAsia šampionatu u Istanbulu. Navedenim projektom imali su za cilj pokazati vještine svoje reprezentacije na svjetskom nivou gdje su, pored Bosne i Hercegovine, na turniru učestvovali i Turska, Bugarska, te Kirgistan.

Bh. alpski skijaš Emir Lokmić je uz podršku Grada Sarajeva učestvovao na Zimskim Olimpijskim igrama u Pekingu u februaru 2022. godine gdje je ostvario vrlo dobre rezultate u disciplinama slalom i veleslalom.

Mirza Nikolajev bio je prvi predstavnik Bosne i Hercegovine na Zimskim Olimpijskim igrama u Pekingu u februaru 2022. godine u disciplini sanjkanja, nakon 24 godine bez predstavnika u navedenoj disciplini. Grad Sarajevo finansijski je podržao njegove pripreme za nastupe na trkama Svjetskog kupa i 46. Svjetskom prvenstvu u Oberhofu 2023. u takmičarskoj sezoni 2022./2023. godini.

Projekat „Liga srednjih škola Kantona Sarajevo“ Udruženja Razvoj sporta – Sport Centar dobio je podršku i u proteklom periodu. Radi se o takmičenju koje se održava u periodu 06.02.-30.04.2022. godine. Kao osnovni cilj projekta ističe se stvaranje sportskog ambijenta za mlade učenike i učenice završnih razreda srednjih škola. Tendencija Udruženja je da mladi rado provode svoje slobodno vrijeme na sportskim terenima, te da baveći se sportskim aktivnostima poboljšaju svoje fizičko i mentalno zdravlje, uz vrlo važnu socijalizaciju sa svojim vršnjacima. Značajno je i postojanje lige za djevojčice, naročito kada je riječ o razvoju ženskog fudbala u Kantonu Sarajevo.